

3 pengadil Malaysia

2

untuk
14 AUG 1987
Pesta Silat

PENYERTA SILAT

TIGA orang pengadil silat dari Malaysia telah diundang untuk mengadili Pesta Silat Kebangsaan '87 yang akan berlangsung di Kompleks Sukan Bedok pada 29 dan 30 Ogos ini.

Ketiga-tiga pengadil dari 'Pesaka' itu adalah antara beberapa pengadil yang telah diundang termasuk dari Indonesia.

Bagaimanapun, pengadil undangan dari Indonesia belum lagi memberi jawapan.

Pesta Silat anjuran Persisi itu adalah sempena Pesta Sukan Singapura dan terbahagi kepada tujuh kategori — Tunas Pendekar, Tunas Srikandi, Pendekar Muda, Srikandi Muda, Pendekar, Srikandi dan Massal (penyertaan beramai-ramai).

Ketua Pertandingan, Haji Ismaon Haji Ali, berkata borang pertandingan telah pun diedarkan kepada persatuan-persatuan silat di sini.

Sejauh ini hanya enam persatuan telah menyatakan kesediaan untuk mengambil bahagian.

Beliau berharap persatuan-persatuan yang telah menerima borang dapat mengembalikannya sebelum tarikh tutup pada 17 Ogos ini.

Haji Ismaon juga memberitahu bahawa buat kali pertama, penonton dalam pertandingan pada kedua-dua hari itu akan memenangi 'hadiah bertuah' yang disediakan.

Hadiah melalui 'derma undangan' itu boleh didapati daripada Haji Ismaon (telefon 7433717), Shukor Rais (7459605), Tumiran Tangat (7760206), Mohd Seain Madson (2517509), atau Johari Mokti (4433054).